

5
T5422 T3263

5 ~~5428/3263~~

玉茗堂全集

臨川義仍湯顯祖著

哈佛大學
圖書館
珍藏印

詩

七言律

奉答王弘陽大理思歸有作

廷尉題門客暫過幾年簪
紱寄焯蘿直憐祠署
齋心好無柰清朝病骨何
玄武湖晴春泛少綠

雲亭暮興歸多重來得盡新知樂驂騎鱗鱗坐
九河

松陽周明府乍聞平昌得緯真子形神飛
動急書走迎之喜作明府最善琴理

空谷逢人亦快哉平昌一榻自仙才卽看山色
排雲起似聽泉聲喜客來折簡到時朝騎發傾
筐迎處夜筵開長卿大有聞琴興許傍琴堂更

築臺

達公過盱便云東返寄問賀知忍

扁舟茶供不曾溫便去西山禮石門雲覆袈裟
留梵影風生鈴鐸向人言中邊總放三輪出生
死那將九帶存別後曲阿逢賀雅百年如幻忍
何論

達公來自從姑過西山

厭逢人世懶生天直爲新叅紫柏禪
險句天橋餘醉墨春茶雲霧足醒泉
看相有住微成恨話到無生已絕憐
但得似師緣興好烟花遊戲往來邊

帥思南還郡應過辰沅地主龍君宗武計
君謙喜俱以坎墮去官而予方有春宮
之役懷來有作

搖落荆南心事微帝城雲物徬春輝
啼鶯匝樹花侵座去馬臨關柳拂旂
金筑幾年還報政湘沅無路一沾衣
知君到鄴傳新喜爲愛曹王興欲飛

朝天宮夜別呂玉繩司法寧國

偶從公子折芳馨千里風期在敬亭
拂署曉雲花淡淡卷簾秋水月泠泠
松間訪道爭連壁竹

裏行歌幾聚星正恐無緣隸仙府風蟬雲鶴片
時聽

送胡司理都勻癸未秋已聞播橫勉之

廿載邇廻出武溪一官遙寄重萋萋星州總向
三辰北風物還過二酉西秋入偏橋雲樹合春
生平浪水煙齊從來司法叅軍事能使楊安識
漢威

揚州送郢上客

兄弟交遊有歲年曲江吟嘯隔秋烟鳴琴雪照
章華路拂綬風香解佩川遠思正縈河上草高
情纔報越人篇登高一望還留醉江北江南寒
食天

爲劉允陽太史尊公壽

象緯峩峩高士名西州紫誥自南榮春風酒對

蟠桃熟夏雨香生竹簟清
几水定中高隱几瀛
山佳處下蓬瀛今朝筇杖將扶老
長看青藜護漢京

與釣竿和尚宿牛首山杏樹下作

曾記漁翁到杏壇
花巖月色映空寒
六時湧地千苓塔
雙闕凌風秋露盤
夜盡忽聞船子唱
月明還似夾山看
折蘆渡口西風急
不爲無魚下

釣竿

送詹東圖詹工書畫署中有醉茶軒作

新安江水峻淪漪
白岳如君亦自奇
河朔風塵爲客蚤
江東雲物向人遲
淋漓墨妙啣盃日
盤薄春光啜茗時
千卷貯書那不畏
深心只遣鬢毛知

過峽山微病示南華僧

疊岫澄潭開夕氛登臨水木湛氤氲林前曉拂
諸天樂池上晴飛初地雲帝子神遊香殿出道
人心定玉泉分曹溪一滴能消疾何用丹砂就
葛君

羅浮嘆別逃菴主人

甘泉公興儒破
道而山毀惜之

名岳丘墟惜湛君儒流得似道流羣天門夜息
朱陵氣洞謁朝殘玉女雲桂樹炎州當戶見蓮

花漏水接窻聞何時共躡金梁影坐看扶桑到

日曛

送安定叅佐劉生

潞河春色泛樓船柳葉旌門動綵旃莫向分流
愁度隴經須合郡與臨邊峯陰日散降城雪浪
影風輕好麥川得似江南留一醉蒲桃金椀爲
君偏

江館

林中高館築須成
水外閒庭甃欲平
身世河山多白首
子孫天地一蒼生
鈎簾語燕驚風起
檻舸眠鷗滟浪明
是好花朝誰到賞
綠波如酒泛新晴

遣夢

休官雲卧散仙如
花下笙殘過客餘
幽意偶隨

春夢蝶生涯真作武陵漁
來成擁髻荒烟合去
覺寒帷暮雨踈風斷
笑聲弦月上空歌靈漢
與脚踏

思達觀

何來不上九江船
船頭正遶香爐烟
第一人從歡喜地
取次身居自在天
語落君臣迴照後
心消父母未生前
看花泛月尋常事
怕到春歸不

直錢

草堂

負却臨江舊草堂
斷橋車馬回來忙
身將百里郎官隱
心爲西河愛子傷
酒後放歌難自短
花間笑語若爲長
高冠照水看何似
分付流光與鬢霜

和文判郡用韻

有序

文高安蜀江鄉人也
以翰林孔目出判廣州
予以南祠郎謫尉徐聞
忝爲賓主茲復判括
蒼郡事而予量移平昌
令爲學官築藏經閣
射堂方新屬文行縣
顧而詠之爲和

人自西京翰苑香
來慚仙尉與仙郎
射堂走馬纔開帖
官舍聞鶯有報章
冠蓋風流晴色滿
山溪雲影綠陰長
鄉心錦水拋何得
正借文翁韻

講堂

爲大名魏太守壽

行年九十自長年銀艾安華詔國賢舊業公侯
開大魏新恩日月最幽燕喬林久借三珠樹繁
水初飛百歲泉簪紱滿朝候仙氣採芝歌近帝
雲篇

送徐大名

花源不住去蘭津萬里携家清路塵人望西曹
持律久帝憐東魏寵符新祇將金璧祠河伯自
有旌旗學漢臣五馬江邊莫留滯黎陽三月待
行春

祠署送朱禮垣奏計過家淮上

簪裾拂檻柳條舒南省翩翩向直廬江草醉吟
新月夜淮揚歸興五湖餘春官得侍開元禮天

子寧忘諫獵書望幸幾年如召對漢家朝講未
應虛

九日壽劉元承尊人故西粵令有五男子
明經百里舊爲郎止足能禁歲月長鳳嶺看成
菁玉樹龍城歸試鬱金香秋風鼓瑟行生樂春
酒趨庭對五常正憶楚江彭澤近年年高菊爲
重陽

禮部送錢塘周年兄司法岳州周故鄢陵
縣學官重過及之

荏蒲新幟在湖陽搖落逢君筆有霜試政春曹
朝別袂過家秋水夜迴航勞愁未覺歌聲短吏
迹何妨飲興長更過鄢陵逢弟子何如車騎昔
遊梁

陳公園

五岳清時賦遂初玉華仙圃興誰如千花散竹
停雲迥萬柳籠萍過雨踈楚雀半棲迴夜枕吳
笏千里襍朝蔬城隅向息經臺近謝客聞緇貝
葉書

送崇仁令并寄家問

曾逢狹路幾情親碧玉堂開青桂隣把鏡動憐
秋鬢客移床偏近故心人來諳世路看朝列去

仙山作外臣爲報鴛鳧見留暫是隱草堂猿鶴未
終曠

寄岳石帆

爾愛天書入御函有人爲縣向松杉吟餘徑竹
山禽語坐久庭花野鹿啣解事小兒陳夜飲閒
情少婦襲春衫年來更夢誰邊好烟雨樓西看
石帆

歸雲亭懷何賓巖先師麗水

候仙亭子張遺文洞倚梅花到夕曛積砌幾年
留晻曖連廊千載宿氤氳非關出岫心難隱長
是成龍氣不分况復佳人懷日暮山川長見聞
湖雲

右武粵歸云憨公道勞山脩煉處意有動
欣然問之

右武談鋒醉欲豪新沾一滴水甜曹已通陽艷
東南海得似神山大小勞箭柱風前啣鷲影軍
持水上伏龍韜不知動後能生死珍重轅門賽
寶刀

向麗水君求悟空寺田牒有寄

玉鏡溪邊燕坂通麗陽孤客雨晴中千山月出
堪隨影滿寺泉聲足悟空草榻夜眠高燭盡版

房春醉乳香融艱難縣牒留僧米取施遊人飯
色同

與麗陽何家昆仲吾師何公起家進賢令

視江右學予年十四禱縣諸生令平昌

懷舊作此

歸雲亭望思悠然一徑梅花小洞天但值何郎
隨意飲每逢陶令折腰憐星當處士蓮花鄙歲

在成童弟子員并道西江舊桃李投瓊空有淚

如泉

初歸

彭澤孤舟一賦歸高雲無盡恰低飛燒丹縱辱
金還是抵鵲徒誇玉已非便覺風塵隨老大那
堪烟景入清微春深小院啼鶯午殘夢香銷半
掩扉

移築沙井

亦自知津亦自迷
新歸門逕草淒淒
閒遊水曲風迴鬢
夢醒山空月在臍
家近金堤田負郭
巷連沙井汲成泥
幽遷不到嚶鳴得
大向春來百鳥啼

右武座中章斗津朱以功舉吾郡襍字鄉
音爲戲听然答之

問到玄亭酒亦玄
諸般字說笑臨川
閉門畧近關門尹
有有如書大有年
事取聲形時會意
書兼半滿幻成圓
通方便俗從來理
只待蘇張註伏虔

辛丑閑住作懷李本寧廉訪

江楚無涯亦有涯
輕鷗岸幘俯晴沙
芝從蕙嘆纔吟葉
李代桃僵舊借花
肯重千篇文士賦
拚

歸百世野人家高齋書靜遊蜂出夢到何年放
午衙

却喜

却喜家公似壯年登山着屐快鳴鞭遲回阿母
加餐少早作休官侍藥便舞袖尚連金鷁補歌
笙時間白華篇南遊北望成何事且及春光報
眼前

首秋玉石臺送胡元吉暫返芝湖

澗中沙井竹厨烟五柳門生得此賢醉與踏歌
清夢曉老拚吟眺白雲天杯分玉石人如玉舟
過蓮荷客泛蓮便欲同君將巧思秋光特近鵲
橋邊

再送張白雲歸閣皂

久拚文墨卧漳濱年少何當清路塵氣脉遠連

金鳳里名家真是玉堂人青箱稚子窺題藻高
燭蛾看記飲巡莫忘于旄遲歲月西樓吟望白
頭新

壬寅中秋後三夕送劉天虞歸秦至延橋
別作天虞以潞守清強忤中貴謫稅嶺
外歸道饒陽迂迴過我三日而別能不
心傷

曲車千里意無涯搖落來悲楚客家一夕關河
畱紫氣幾年江嶺寄梅花秋風滿鬢人難別夜
火雙旌月未斜向後秦川清淚裏夢回殘露滴
蒹葭

劉天虞暫歸汝南別業寄聲趙夢白馬長

平

忽忽江頭送遠人秦川公子夜歸秦山中卧病

能過客澤畔行吟見逐臣趙璧肯爲秦柱碎梁
園相憶馬卿貧前臨楚塞登高盡回首黃花涕
淚新

彭興祖遠過別去訪劉廣平廣平守溫郡
時聞予且以平昌令擢丞溫喜甚爲起
書樓五間不果然感其意焉

不住吳中處士家恰尋彭澤寄烟霞西齋病俠

宜高枕南斗開秋有斷槎意氣動憐歡日少交
遊常覺去情賒廣平藉甚思吾美便作題輿到
永嘉

送周富滿臨海尉赴象山巡檢富吾家舊
小史也出身傷人而事予甚謹憐而送
之

少小相依京洛行爲誰書記得微名驚看妙尉

臨雙闕又送巡官出四明但是歲時來薄俸每
當憂喜見長情秋光去後何人憶紅木樨開海
嶠清

建安王夜宴卽事

龍沙正自擁名藩秀骨凌霄帝子孫淥水宜人
秋澹淡小山何客暮攀翻衣簪翠拂長眉舞犀
玉杯深古色存似是建安逢七子盈盈飛蓋舊

西園

偶隨高勝接華軒花動名園客思繁玉斗夜傾
珠斗近衮衣遙覺布衣尊徵歌一一從南楚守
器纍纍奉北藩巧笑舊沾詞客醉博山通曉奉
餘溫

奉別建安王

盡日王門醉小伶碧牕秋遶露泠泠迴塘漫接

清華館巧石懸開乳翠亭坐末相如雲氣遠登
高宋玉暮山青猶聞道術生毛羽玉女同看第
幾星

覺右武有病悲之

菊籬藤架舊胡床湖曲風吹新月光芳樹乍離
秋色苦碧雲纔合暮情傷當歌欲別思來日看
劍心知老故鄉賴近龍沙有仙訣恐教容髮易

滄桑

癸卯秋試過丁叔兼下第有來學之期逾
三年而叔兼死檢笥中得此詩存之

又過秋光一信風眼前還得似終童詩書肯付
高情外身世長思急難中未必乃公重刻印止
應之子自爲弓兩家兄弟連齋舫一歲何妨西
復東

聞東邑愛慕前令伍象明爲築臺思之欣
東魯明府二君皆蜀才也

中江原自錦江來錦製遙占試劇才谷向朝陽
晴色滿山當獨秀暮雲開新秋菊圃三迴見舊
冷棠陰一倍栽自是東人愛西美與君如對象
明臺

送謝玄瑞遊吳

幾年空谷少聞鶯恰恰驚春得友聲家在東山
留遠色客來南國見高情尊開元夕花燈喜坐
對前池雪水清萬里龍坑有雲氣飛騰那得傍
人行

問訊劉侯如司理金華

建武衣冠有世家劉郎高第得金華兼秋法令
寒嘯日映世文章海曙霞問俗定知松變石登

高留醉菊餘花不嫌陶令腰頻折會向平昌訪

白沙

用韻答姜仲文使君

紫氣憑陵東出關十年清夢五雲間美人自合
來南浦猿鶴何須怨北山空江色借文尊淨高
閣晴開玉佩閒共說蟠溪晁年少丹青那惜髮
毛斑

上巳進賢玉嶺公館夜讀李伯東觀察竹
所八絕淋漓琅玕清而不寐味此

玉嶺春陰小院清
祭知昨夜憇江城
開尊遠映
礮場色截律高為鸞鳳聲
心在雲霄憐護筍才
難車馬避題名
風光况屬蘭亭節
修竹流波和
欲成

閒雲樓宴呈張師相

青閣逶迤坐日醺楚江春酒思氤氳親知河岳
千年氣更作蓬壺一片雲日照西峰鸞鶴舞風
迴南浦棹歌聞朝飛暮捲渾閒事願得爲龍護
聖君

羽翼初成鬢亦斑西來鸞鶴剩追攀空驚浴日
臨蒼海暫許行雲過舊山禿樹鶯啼高舫外綠
波春色畫樓閒江湖魏闕尋常夢且聽漁歌盡

日閒

杏花樓宴答張師相

仙人近住杏花樓籬門相對百花洲端居色色
春來好高卧時時雲出遊洞戶雨迴蒼翠曉明
湖風切管絃流歡深向夕臨蘭興何限烟波倚
釣舟

紫禁初歸髮未華五雲樓閣是仙家湖光欲瀉

牕櫺入磴道全依草樹斜風物差池疑鳳嶺月
光清淺問龍沙白頭弟子拋閒得春色年年醉
杏花

臨章樓宴別張詹簿

西樓長夏日滔滔曾侍東皇醉碧桃細草落花
行處好風帆沙鳥坐來高西山近拂蛾眉翠南
浦遙聽楚客騷却怪夜來衫袖濕綠波春酒隱

蒲萄

建安曲池夜歸醉和

梁園春物藹餘暉遶徑春歸客未歸粉黛笑侵
圖畫色殿堂光發舞人衣星槎暗逐樓臺轉簾
影晴隨風雨飛殘燭卧深清露曉蒲萄香夢醉
霏微

爲維揚李孝廉催歸作

一拍洪厓鬢未班
葱蘢原自古
西山卽知仙
李蟠根大肯對瓊花
竟日間燕趙風塵行
拂首秦淮春色醉
扶顏逢人定唱江南好
無柰鄉心雲水間

懷王觀生從霍林長安歸華嶺

太史吾家動逸羣
石蘭高館最思君
秋光映榻芙蓉水
仙氣隨車華蓋雲
婚嫁坐令山色老
笙

歌長對客愁分
因思子晉仙才盛
友道家寥寥伊洛間

春差晚泛同吳門
李賓侯章門宗侯霞整

館作

偶從脩禊到江關
竟日移尊未擬還
風物並高吳楚外
羅衣初試雨晴間
青波泛月寧辭夜
白髮禁春好是閒
極目興亡成一醉
古來鸞鶴在

西山

秋初擬峴臺送袁滄孺明府丞郡金華四

序
有序

故令長洲蔣公嘗遷此丞出憲蘄州袁公蘄
人也三兒開遠最受特知茲行一縣人爲公
不嫌而星壤隣近足慰慕思且公于黃梅路
熟當不以世味作渴想也把酒歌驪遂成長

律

造次金華似蔣侯居然節鎮在蘄州兒童舊歎
吳門屈父老新遮楚澤留突兀風雲誰失馬脚
躡歲月總全牛當歌笑折陶家柳得傍甘棠記
舊遊

大府年年缺守來專城一一寄長才歌紆激楚
風流盡淚擁題輿間道迴寶婺星牛連紫氣鄉

心道意久黃梅看君似厭蘭陰酒爲盡臨川水
一盃

金華風物似吳興幽意何當此郡丞別駕路隨
秋月引峴臺人念漢江澄蒼兼欲盡重臨水流
火初歸一飲冰八詠樓空青史在一時雲夢氣
憑陵

帳飲傾城就碧沙新瞻郎位佐金華千旌曉駐

蛟龍色稚子春深桃李花江楚風雲連上國公
侯門地作通家秋光欲問騎羊子水墅山橋一
放衙

送周起西溧陽

到日芙蓉花滿池高齋殘燭醉還移三山客夢
潮生早十月鴻飛雪下遲去矣自饒歌白苧淒
其吾欲繫青驪江關一別能相憶春市橋頭聽

雨時

送吳近陽掌故以荆傳暫還上高

每恨才多局世間高情良夜一追攀初經廣武
逢人嘆何待湘騷送客還桃李暗飛春雪盡圖
書高對墨池間相思莫便催顏髮遠色年年在

鏡山

清高起後詩爲姚廣昌作公子當世俊才

公侯必復其在茲乎

榮華千載竟誰前獨是清高托後賢清似茗泉
蘊春藻高如竺嶺動秋烟君臣十事中書令父
子三朝太史傳邂逅姑山聞一曲薰風仍似嘆
虞絃

和答清公軍中秋日寫懷下勞山戍雷陽
止觀六祖寺聞送稅使章江只尺臨川

不到問之

海印東行萬里沙十年生事到南華珠池解作
抽衣寶梅嶺能高拂坐花獨夜從軍吹箏策有
時送客淚袈裟開書欲笑廬山遠不到柴桑處
士家

送方鍾岳叅知入蜀

千里宮湖法宿明十年還是賦西征雨中方岳

開行色江外秋風灑去旌便向錦川趨袞座還
從劍閣問豐城追隨尚憶南端日拄笏昂昂笑
語濟

余如竹喻叔虞夜宴開雲樓有作

耆舊相看酒不空小山秋色畫樓中微波遠帶
星河白艷曲全銷蠟炬紅浮世累多真冉冉高
情年少莫匆匆堪將枕簟鉤簾畔一卧聞雲聽

曉風

高樓直上捲簾輕大好西山一倍晴遠勢雁隨
殘照落片雲秋逐暮帆生歡多燭瀉風前語年
少尊開物外情共笑采鸞千歲後可能長此聽
江聲

圖南邀宴其先公瀑泉舊隱偶作

佳期長是說參差江楚風流自一時幽意動尋

石隱高情傳唱牡丹詞澹臺門北秋生蚤覘
于湖西月上遲爛醉長松深夜語瀑泉風雨到
寒枝

夕佳樓留別海岳太素圖南叔虞得八齊
平楚開尊睥睨齊倚樓晴覺雁飛低三秋采菊
人難見九月登高客自淒南浦棹歌來漢女夕
陽山氣似虹霓臨岐躑躅沙城事無限風光却

送賀孝廉讀禮朝海東歸寄懷賀知忍

十月梅花驛騎催麻衣猶滯孝廉才交親客向
江南好大士香傳海上來半菊池臺秋色盡遶
天風木夜鴻哀孤舟却憶丹陽郭羣從縱橫日
幾迴

王伯臯賀函伯前後秋捷志喜

江上離離愁雁悲仲文官舍遣聞知參差擢桂
芝蘭友邂逅登龍逐犬兒興劇恨難千里駕交
深留盡百年期春風北固還西笑紫幄門生舊
絳帷

送伍念父武昌

省曾信宿不逢迎半百同生好弟兄洛下傳書
千里色衡陽歸夢十年情江楓露滴綈袍重楚

客愁分遠樹輕半屋青雲舊家口審將官柳寄
春晴

再送念父遊鄂并問郭美命孟義甫

十年心事幾經過一夕離尊可奈何鴻雁影寒
天暮色芙蓉秋盡水層波通書近覺青雲少別
夢遙隨芳草多零落侍臣湘楚盡豈能無淚向
烟蘿

送宜黃令武昌趙明府入覲并懷解元令

侄

風神如畫理如絃仙令宜人向一年家世自連
卿月曉郎官真借德星懸鍾臺舊路雲霄直棠
樹新花雨露鮮爲報楚山和氏璧償城何惜美
人傳

和吏部陳匡左奉常東署見懷之作二首

祠罷東皇欲赴湘拋殘文物在東堂安知湖海
元龍氣恰憶山陵老奉常千里夢魂鶯出谷一
時心事燕辭梁苔墻數字風雲盡肯借高題續
雁行

奉常東署亦棲賢春戶秋牕榻每懸花爲好風
開更蚤竹因清露洗還鮮山川自出垂千里流
放初歸恰九年獨是高歌向明月驚鳥時作遶

枝憐

讀陳匡左元史本末有感

蹇然寒谷少人聲玉茗書歸雪夜明匡左才華
千里色江東雲樹十年情題統自覺風期切發
篋纔知史論成契闊向君垂欲老開春吾意一

南征

送金谿吳繼踈南祠吳尊公踈山侍郎也

君以救同官邠寧趙邦清出吏部及之
一官何止俠爲名要與羣飛作鳳聲吏部承家
多遠意侍郎愛國有餘清風光欲下雲林別雪
意能高畫舸迎恨不河橋拚一醉折梅留向蚤
春行

不勝衣弱氣嶙峋水鏡中朝見此人共惜當門
蘭向楚總拚睨柱壁歸秦清時去國能無夢近

地論交亦有神肅穆祠官吾舊隱鍾陵長護鬱
葱新

懷袁中郎曹能始二美

雪灑燈殘衣上塵十年雲卧憶情神侵朝每借
風霞色後夜全開月露真燕市交遊常病酒江
南詞賦易傷春無竒一縣千巖裏上客何由到
此人

每愛袁郎思欲飛仍傳子建足天機湘中歲月
初投佩江外雲山一染衣雪唱曉風吹的皜雨
花秋水帶菲微佳人遲暮難重會腸斷溝頭匹
馬歸

寄孫子京并懷王悅之

滿眼春陽醉欲醺宮亭迴雁憶離羣鍾丘幾過
神靈雨芳苑長開水樹雲去住有情年事窘山

川無恙客愁分江東弟子招何得未肯覓銷二
傍君

奉常弟子最知名絲竹傳經一倍清自解風前
留色笑恰從雲外聽飛鳴新春作夢江南好故
物懷悲川上盈白髮王生推長者可能重會漢

公卿

相公木蘭軒

一春風雨半龍沙鵲喜新晴報晚霞水鏡題才
新赴闕天台擲賦舊名家關梅出餞催鶯蚤江
草移帆掠燕斜向後得陪東閣飲思君長詠木
蘭花

和贈樊欽之度嶺

春中雨雪正霏微遊子江頭泣楚衣羽翼自須
留諫草墨線非爲赴戎機應過放逐三年苦每

九天池六月飛萬里雷陽幾消息相思那得雁
來稀

與欽之言別

萬死雄飛御史章天恩還許到雷陽移家數傍
君遷樹少婦長開蘇合香嶺嶠清和梅熟蚤楚
江風雨燕飛忙重來海客將何語曾住羅浮覺
晝長

再用韻奉答欽之兄徐聞講堂之句

楚衣如雪對春衣自笑清狂出禮闈披嶠脊難
邀後命講堂堂亦傷前輝西山月落鸞簫迥南
斗天低海色微珍重去珠能見憶新詩裁作淚
綃飛

欽之兄自號天山子味共保黃髮之句爲
之悵然

雲霞川漲肅鳧鷺官閣乘春小坐移蜚遁天山
宜注易征行歲月好吟詩心知遠道迴帆別語
向明時掩淚辭廿載長安雙白首百年黃髮更
爲期

送周仰謙叅知入關

西笑何因更入秦一盃芳草醉留春關中氣色
催行旆河上軍輪擁去塵失路戲憐當路客宦

情偏滯道情人相思雲壑堪誰老珍重天涯况
此身

寄趙仲一吏部真寧仲一居常推尊某公
師父不去口失官歸窘甚其師父嗔責
其負至斷仲一子頭創竟寸縣官因而
惡之書來云欲來過我與吳繼疎君同
住答之

函谷封書去亦難小天天水憶長安傾家便可
酬門士過里何須惱縣官穴處邠風年事晚歌
酣秦女壯心殘開箋忽動江湖色紫氣西來南
斗寒

丁未夏初雨夜夢見右武恹然之色噫
有言記之

揆辰俱是六庚年弱冠同飛語笑便向後風雲

常藐爾較前門戶忽悽然春燈淚起難書夢江
楚情深怯問天無限日車翻未得高歌九曲不
成眠

送石首王司理南康

干旌奕奕見時巡五柳熏風入座新雨過池亭
邀上客曲喧花鳥奏蕤賓荆江漸北寒飛瀑鷓
火薰西夕照隣不爲劍光零落盡移家星子欲

相親

送仲文使君東歸使君每憐余瘦念之

由來紫氣欲東還豈有移文動北山江上雲霞
新祖帳山中蘭菊舊追攀三年字滅心難寄五
柳門虛卧欲關再見莫憐消瘦盡加飡那得向

離顏

徐生伯聚生尊人光祿君以抗疏去官奉

道伯聚能世其家喜爲贈此

曾奏鄉書躡紫氛龍丘君長世人聞齋居妙入
莊嚴理柱史名留光祿勳獨悵山河回白首總
看公子入青雲陶家紙筆渾無恙後骨能飛得
似君

送胡實美遊吳

一時才盡百年餘千里心銷六月初別淚隴雲

新燕引片帆江雨暮蟬疎湘騷楚客收殘賦耆
舊吳門問索居石闕題來知不忝兼君能讀父
藏書

同相國爲嘿菴王孫壽

蕭史蕭峰拂紫烟六旬六月啟初筵心將一嘿
觀玄秘坐擁高談發後賢朱戶雅兼歌雪泛青
藜光並相星懸江西亦有淮南操長被薰風仰

詩

十卷 三五

似君同賦國為黜恭王系壽
蕭史蕭利時紫陔六於六山殊
似君同賦國為黜恭王系壽

蘇書送初實吳遊吳

善吳門問索賦不關張來眠不
燕燕侍六帥五雨暮軻輒眠
燕燕侍六帥五雨暮軻輒眠

玉茗堂全集

臨川義仍湯顯祖著

詩

五言排律

送王比部北上光祿

比部以諫取
麒麟謫起

地迴羅浮色天高越秀春
湖南推妙宰江表寄
時巡氣候風雲合心期歲月申
謫官樓下雉托

諷在麒麟山木歌王子湘蘭見楚臣稍遷司理
俊再入典刑新郎署攀留久卿才借問頻種蘭
初命子行藥遠寧親倏報遷鶯喜言調光祿珍
玄湖清帳飲陽月煖車茵法酒箴何得和羨理
必均時從大官局斟酌嘆勞薪

送艾太僕六十韻

太僕以乙科爲郎論江陵起復戊起南鴻臚

世閥高臨汝衣冠起岳州精靈華蓋曉氣脉洞

展秋江漢稱才子瀟湘托好逑儒林蒼玉滿郎

署白雲悠是日江陵相長星寓縣愁禮嫌金革

變權誤墨纒留奮筆含香勇衝冠執法羞燕臣

隨伏闕楚客竟爲囚御挺驚魂落丹墀濺血流

動傳天詔獄分作鬼投幽遠竄逢羣魅銷冤失

爽鳩秦城將急杵漢黨欲窮鉤淚濕條支盡身

拚井鬼休扶顏依枸杞作語向蹇牛洗雪人難

待迷陽運忽周機權還太乙氣色隕蚩尤詔旨
湏人望恩波許自由玉關歸鳥道青海發龍湫
遂作雲雷起還令湘漢浮法星低照蜀明月遠
通涪復有東門恨難爲西塞憂猿鳴初黯淡鶴
怨轉夷猶龍影迴江郭巴雲護岳樓文章霑入
霧富貴起隨漚天在山難畜王明井必收九河
原曲直百鍊肯剛柔光祿微能就陪臺出似遊

蒼梧蟠帝寢芳樹繞潮溝典客高情映祠郎清
燕酬如雲瞻鸞鷲似雪耻蜉蝣好以青棨弄時
將白簡抽似綠參世業不惜偶人儔下秩依園
廟齋心隔冕旒時時分羽籥一一聽鳴球署色
朝霞起祠陰宿鳥啾才情空荏苒耆舊得優遊
翰墨飛長紙壺觴引薄脩忘年過灑落浹歲語
綢繆受命同嘉橘孤株感若榴看松高蓋偃援

桂晚枝樛世事留黃閣公才尚黑頭乞歸丹疏
入言佩尺書投岩望宜專坐朝銓且七騶離心
着蘭菊別韻起梧楸冠蓋鴻臚道千旌白鷺洲
月卿爭祖席雲從識僊舟岸草搖清篋江花點
敝裘行藏燕市古出入楚門修去欲蒐戎乘行
將味德輶鳳洮鳴鏑滿雲朔羽書稠汧渭秦非
子河源漢列侯羌胡形欲詭將相語猶偷馬穀
經年減燕金幾處求和戎虛漢物贈策豈吾謀
太白朝芒角崆峒宿踐蹂英雄懷玉劍形勢惜
金甌老亦趨千里今何問一丘駿圖周罔得戎
議傳咸優並事今吳趙長流舊沈鄒羣公心赤
齒高爵歲華適未必參帷幙看君展一籌

同董光祿望雪漢西禪閣陪胡瑞芝武部
鄉關望不極江漢此登臨山川照雲雪城闕動

光陰色與空門淨寒棲佛影深得從棄梓敬來
傍紫芝尋冠蓋人如玉琴尊月在林飛霜曾白
簡繁露滿青衿祠署春能入幽蘭思不禁惟餘
光祿宴清切歲寒心

高座寺懷可上人

萎蕤自公暇登眺此人同春湛禪林上人初佛
位中冥濛江水色淡澹曉雲空大地花光滿諸

天雨氣融峩眉開遠照廬嶽會深裏白月東林
裏何人笑遠公

盧溝曉望

氣脉開玄朔晴霞動紫氛龍隨天闕曉虹度井
陘雲冠蓋流塵合旌旗落月分參差鎬池見隱
約渭橋聞草繡榮光繞花滋淑氣薰今朝玄灞
曲西笑益氤氳

萬侍御赴判劍州過金陵有贈

君以邊事
論政府行

紫氣通華岳黃岳闢草萊地遙金柱接天廣玉
門開雪嶺燕支逼湟池曳落迴安攘餘上策駕
御失雄猜世數鳴沙積風烟壘壁摧奸闌嫌說
劍斷道怯行枚倍有金縉士去毫無善馬來市和
虛內帑買爵富中台醉吏囊誰問疲儒轂浪推
虜王迎後佛胡婦戲前媒席煖戈猶枕盟寒塹

欲灰飲河清渭赤食月白星災萬里城危蹠三
公網數恢借籌沉漢幄折檻起雲臺字挾披肝
苦章飛戰血哀叫闌心展轉卧閣語徘徊鬼謁
能煬日神奸不畏雷繡衣翻遠影封事委浮埃
墉隼掀難下臺烏落未回敵人乘障舞壯士隔
河哈朝露商君藥章江蜀漢材燕磯朝鷓語牛
渚夜星陪色笑誰雙枕心知且一盃燭開燕黯

淡車入劍摧頰角韻寒吟徹鷄聲暗舞催春王
回斗柄月將在河魁冰雪陰將解風雲氣似培
秦中初折柳江外與題梅去色連雲棧歸心灑
灑堆參軍髯自好灑洒絕倫才

初發瑤湖次宿六溪

別吳十一
舅隆八弟

病瘦那臨鏡清虛欲衣綿春糧三月外伏枕一
秋偏吉日將行色殊方或勝緣暑過新雨薄氣

逐晚雲鮮堂上行猶怯低窻寢似便命飄危葉
起相濕死灰然君子能無瘧良醫幸有全月窻
催藥杵雲戶隱書箋氣弱難扶餞裝輕得漾船
斑斕垂地泣葱鬱舊塋憐故故隨搖曳悠悠獨
翹沿金隄斜照落瑤水暮風旋客夢初移枕勞
歌始扣舷外家依十下中國向窮邊盱贛江連
峽雷瓊海隔天滄浪誰莞爾岐路欲潛然星謫

郎官遠心知宅相賢賦詩耆舊引尊酒樂人傳
鳩祝人難老鵬扶尉欲仙山川彌望積丘壑幾
時專

尉徐聞抵家直丁侍御莊浪備兵遷越歸

覲遠遺西物却寄三十韻

嘉靖間寧夏將王翊議決水退虜

地脉陽關遠天心雪嶺高何年金狄巧入夜羽
書勞張翊愁臨水王瓊戲築壕傳聞通渭不

擬過臨洮詔蜀丁都護巡秦漢節旄繡衣分儼
雅團扇失腥臊古浪烏稍迥長城豹嶺牢善騎
宛白馬能送海青綠芳樹凝笳入真珠卷帳逃
雄文三楚客醉色五陵豪凍拭青砭硯春拋碧
玉搔燕支歌冷淡胡旋舞周遭獨將危班遠誰
憐放竇滔年華依贈紵心事與同袍似語長沙
鵬初漂漲海鰲三秋餘病枕萬里脫詞曹赤水

蛟龍影炎洲翡翠毛月低枝鵲遶風細嶺猿號
故國羅浮夢新州古佛毫尉留雷部隱兵過海
門操月嶼珠爲燭星岩燕拍篙蒼梧韶奏謁白
雪郢沉騷嶺樹天猶漏臯蘭漢欲塵白河迴鳥
陣青海送龍馘舞換征衣綵歸將王母桃熒熒
分枸杞瓊瑣寄葡萄遠致緘重複幽遷慰鬱陶
尊慈乘健飯越騎仰投醪春汛新移牒宵光宿

佩刀浙江秋色好兄弟欲觀濤

伯父秋園晚宴有述四十韻

伯也垂雙鬢公然一老儒釣竿嚴子瀨碁局帝
王都龍虎燒丹有瀟湘鼓瑟無武夷春歲月廬
岳暮江湖汗漫期常共清真德未孤卧遊仙裊
裊行樂醉烏烏舊試朋簪合新瞻佛座敷時時
開畫軸日日隱香爐年少誰留夢情多數被呼

月高輕點拍春睡
羨投壺長袖光陰遠
深衣禮數殊步趨真
長者詩賦可賢乎
每嘆青雲器長誇
千里駒山隨叢桂
小座許竹林隅
雨暈浮蒸茵沙根
颯石蒲棘枝青
裊架荷葉翠
欹扶竹暗泠蒼玉
榴明迴絳珠
長樓陰樹偃
殘砌晚花紆稍稍
風吹鴈涓涓
水沒鳧少花
秋莫冷多酒日
堪嘯滌口蘭
英過調腸芍
醬漬雪絲抽
碧藕波

色薦青菰屬厭全
知嘆憂生忽謬吁
謫遷方渺渺抗疏
失區區大火奔長
路中寒卧薄軀
病呼天北語滯泣
海南岳數過憐猶
子深慈爲友于
良醫疴畧起君子
瘧何俱擬作三生
度驚看萬死蘇低
垂爭末路潦倒送
窮途我覺才情盡
尊悲力命徂心摧
虞弔客竟付楚招
巫瘴入何多幸春
歸卽少娛駐顏宜
大藥辟魅且靈符
骨肉

欣何得江山意不渝定應添腦髓何得有肌膚
少事堪長日多財祗累愚興來過咫尺老至莫
錙銖薄命隨文酒清懷在竹梧有人林下酌何
物府中趨

秋日西池望二仙橋

池上映秋光登臨愛夕陽鏡中蒲柳色衣上芰
荷香聽雨初畱屐當風一據床猗蘭延客語高
菊以隣芳紫翠連山暝晴陰隔水涼坐看人世
小仙馭白雲鄉

西塘煙渚憶大父徵君

喬木無人問王孫有歲芳池臺秋縹緲梧竹暮
荒涼雨意青山外煙墟綠水傍祗應悲蟋蟀何
得奏鴛鴦星落少微隱書拋大酉藏不知稽叔
夜清嘯若爲長

陽江避熱入海至潤洲夜看珠池作寄郭

蕉州

春縣城猶熱高州海似涼地傾雷轉側天入斗
微茫薄夢遊空影浮生出太荒烏艚藏黑鬼竹
節向龍王日射潤洲郭風斜別島洋交池懸寶
藏長夜發珠光閃閃星河白盈盈烟霧黃氣如
虹玉迴影似燭銀長爲映吳梅福迴看漢孟嘗

弄鮪殊有泣盤露滴君裳

相圃新成十韻示諸生

禮樂在平昌諸生立射堂山形君子似地脉聖
人傍四獸風雲合三龜日月良天門馳直道星
舍翼迴廊半壁新泉煖成帷舊木蒼嘗聞殷曰
序如見孔之墻遠意棄蓬色清歌蘋藻香修容
隨抗耦射策擬穿揚有鵠求臣子爲侯應帝王

同科非爾力得雋乃吾祥

平昌報願寺鍾樓新成十韻

舊有金輪地樓傾怯曙鍾自他施抖擻於此寄
春容以下雲平壑爲高翠遶峰聲聞懸十里色
界祇三重霽晚千椎迴霜宵九乳濃空中靈響
落世上耳根逢沸海翻晴鶴雲雷隱夜龍花臺
遙箭刻燈塔閃芙蓉去逐香螺吼來參法鼓磬

無因報弘願長睡一惺忪

潮音閣聞李本寧參知赴闕有懷

渺渺西江水悠悠大隱林折蘭清漢上搖榭鳳
城陰荆吳連氣色湘嶺寄飛沉復此春潮望淒
其雲杜心弄珠如可見江月寄情深

平昌尊經閣成率諸生恭讀御箴下宴

相圃欣言十八韻

君子猶名地周公卽有源平昌開舊館前令作
新門朱雀何飛舞靈蛇太伏蹲或爲聞地理爰
築見天根遂爾升層棟因茲賁複垣山川夾戶
牖日月倒懸軒氣脉宜龍舉階梯此駿奔鍾球
懸聖作鼓篋付司存似謁河宗帝如招洛誦孫
橫經將吏事直道倚君恩未覺絃歌冷粗知色
笑暄自公垂勝賞于役動高騫掌故登堂禮諸

生避席言弁星趨北斗册玉候西崑入國傳經
語觀風展德論射堂樽俎合文圃竹書翻嶺借
游蘭馥池紆采碧溫第令周士貴始識漢儒尊
喜劉溫州奏最述懷

海濶江重潤嵩高岳有神高陽才應世大雅德
宜人賜履躔東越分符下北辰飲棗驚變鳥踐
草覺逢麟律轉暄寒遞絃調緩急勺人知君子

恕戶嘆我侯仁上計盈三稔中書第一循賜金
龜紐印露冕雀扶輪地遠將還袞天高且借恂
翔龍依宛轉蒼鹿映嶙峋况復孤危子能攀易
簡親遠心多欲警疎骨久如馴湘水誰招屈蘭
陵令老荀筆花春減舊碁局世增新下陳風雲
絕偏枯雨露均能言悲夢鳥或語應窮鱗自竄
從知苦人趨得飲醇通懷無棄物薄照有存隣

喜候鶯遷出愁將鵲屈申由來星宿宰得近斗
薇春

謫尉過錢堦得姜守冲宴方太守詩恂然

成韻

旅客如吳會同人在水陽笑迴花壓帽泣別酒
沾裳獻賦登枚子修文下沈郎暮雲春穀冷秋
草敬亭荒獨嘆題輿此曾邀數騎將風期行荏

菴月旦坐游揚戲出馨兒語鮮傳荔子嘗雨齋
深蟋蟀晴檻淺鴛鴦共夢常千里相思偶一方
尚持心膽素稀覺鬢顏蒼道舊才難盡看新意
易傷禮卑存授簡興劇儼垂堂擲地詩搖卷兼
春墨吐香煙霞移几閣山水過舟航南屏鍾初
斷西泠漏不妨語經吳署俊色帶海雲長市筑
留還俠輿歌接似狂蒐來多白岳人去獨滄浪

別駕誠高韻同官雅和章朗音雙叩鍛陳事一
悽鏘自愧紛吾久還疑向若茫文章傾禦魅意
氣盡投湘罷讀塵經笥慵書冷筆牀今朝孽瑤
草還自惜餘芳

奉寄李蒼門諫議并呈省院諸公二十韻
漢壁藍光遠秦關紫氣深寶蓮開華嶽仙樹出
咸林夕拜連封事辰遊費雅箴國家方有道天

地得無心震位遲佳氣西師急好音數災山少
木厥貢土惟金漸覺風謠苦長看日氣稜繭絲
抽欲老仗馬噤難任地大誰爲政天高汝作霖
英竒才世出虛薄病年侵愧見同門友愁聞倚
柱吟越中隨奏計朝下愜攀尋繡轡凌朝踐清
尊薄夜斟賞新喧散帙懷舊嘿沾襟自合王喬
履誰分子賤琴羈孤魂莽蒼朝集意蕭森路盡

求牽復春多肯幸臨子牟留魏闕陶令去江潯
報玖將遺珮彈冠擬合簪棄榆如薄照蘭菊待
分陰

奉懷開府曾公河南四十韻并懷達公

北斗青雲迥西江紫氣連祥金聲殷地明玉氣
霏煙問俗褰帷久趨朝獨坐專風雲猶四嶽朝
市必三川節制河南北光輝邾後先有開通雒

鼎惟德鎮伊瀍諷納藩垣重均調氣脉全美風
歸漢汝冷雨發周田五老遊河曲諸生咏洛篇
紫臺黃閣近春色袞衣妍憶昔趨庭日多君拜
慶年蚤占卿月貴長御德星賢與梓危恭敬維
喬下曲卷戶庭風邈矣盃圈飲徒然莫報心常
絕長謠涕欲漣陽春開后土陰德見皇天珮玉
深棠棣褒綸疊几筵新恩聞欲舞舊德見猶憐

愴惻鳴琴後趨蹌露冕前自公承款曲入計謝
陶甄政布優優美恩垂湛湛鮮有心非木石無
命卽林泉涸鮒江難喚高鶯谷遂遷私懷時自
語公度肯吾捐慰藉盈書札提携損俸錢案傳
餐玉飽盤泣報珠圓煖律吹何及寒灰濕詎然
一丘粗買僻三徑已隨便轉施輿梁就逡工樂
石鑄魚龍喧蟄蟄江海祝涓涓微願終何者親

知亦已焉自天高緬邈餘地小翩旋舊識盧敖
士差通紫栢禪得隨乘鶴去思枕伏牛眠路指
三花直門拋五柳偏披雲嫌造次愛日許夤緣
祗恐台衡入遙詹佛座聯馮陵車欲借想像榻
誰懸積氣江湖上幽芳歲月延倘陪丞相幕猶
自惜青蓮

再答夢澤張新喻二十二韻

獨有神明宰能開阜閣春清巖常映雅微胸必
依仁握篆蟠龍起臨梁瞰虎馴甘棠迴訟雀生
草入翔麟已得周南趣誰兼漢吏循山排羣玉
府江汲九星辰損價謀燕石題書許涸鱗雲天
拋逸簡世路委勞薪北闕心辭主西河淚損神
遶號孤季子攀宴偶伶倫遂涉徘徊體將延歲
月身歌憐紅袖老舞愛白華親地小堪旋我天

高宵問人市喧容色滿林殷足音頻彩歛停雲
近暄沾愛日新國風深欵領庭誥得咨詢獨立
宜公子共惟定帝臣受知因宛宛聞頌益津津
便欲噓寒草相依過瑞筠三思冰雪阻載笑語
言伸隱軫聽鶯谷商量步驥塵遲君臺閣裏風
一起青蘋

奉寄南少宰葉公

有序

嘗別公司成之第竟今音徽緲綿人地阻隔
無繇更承風澤一就雲華庚子之歲長殤在
南獨公與春卿九我李公以大人古處撫恤
存遺周至愴怛逝者未申結草之懷在者莫
報噓枯之德每食必祝末言勿諼而已久之
復有司成允陽劉公之戚憶長安上元飲公
允陽私第時公方晉中允笑言未央藜火薪

窮適重山王之感次兒太者昔在太學過受
明龍郭公商盤傳公二師辟珥提饑極大人
之有造竟童子之無知茲復樞衣備洒庭下
雖其愚稚得倚平安亦知嗚咽大恩思面竭
蹶如某者故已謀疎翼燕而心懸和陰聞此
子獲望宮墻如此身自遊廣樂矣不覺手之
舞之遂復斯陶斯咏忘其言之不足見其佩

之有餘耳

赳赳思千里徘徊望九仙劍騰溪閣外星燭海
壇前建禮蓬萊舊抽書蕙草鮮清華宜翼聖素
質每懷賢樂語司成金盃行右允偏玉融開照
座金崎合從筵地迴風雲逼天清日月連暫留
南國藻頌秉北門銓世路方河漢公居且澗瀍
江山悲邈矣淵岳興悠然太史文書副中台氣

色全到門元禮貴入室子雲玄未擬垂幽谷終
知挹大川

懷舊再上葉公懷劉李郭傅四公也

忽忽亦何事悠悠真偶然安成祭酒客零落探
花年河朔盃長覆山陽笛蚤傳晨星疎館閣仙
李自風煙蚤邁吾家督能觀上國賢一朝拋驥
影三載泣龍泉弱喪人同情情傷君獨憐次兒

地猶子復依天傅相商巖後林宗折角前
人師斟酌滿童稚發生便未老思門戶從公隔
履躔候龍知仰沫舐犢爲留田別有傷心處當
君水鏡懸

送仲子太耆入南雍感舊奉贈大司成太

原傅公三十韻

有序

傅公以天下之士爲海內之宗河汾地以作

之師築巖天以考其相冠冕之屬章掖之徒
仰其門闕如望雲中之山挹其津涯如味忻
然之水何言豚犬得近鸞龍蕞彼隈萑僚昭
餘而每竭方茲駑下驂屈乘以猶疲感戢舊
恩哽咽成念其兄已矣猶羈結草之懷有子
溲其常恐析薪之墜提携弱息依倚洪鈞曾
開叢象之雲重沾聖阜之雨正恐東維入夢

何暇嗣音於子衿北斗調春便已通神於帝
座敢曰詩言其志庶幾情見乎詞

列星分出晉參井照連吳自古流元氣冲齡發
寶符簡書周太史簪笏漢諸儒澤寫忻泉盛峰
含聖阜孤德深消斧鑿材大費鍾爐棗竹漪堂
砌青槐影市隅自然夔典樂能復鳳將雛鵬歲
逢庚子豚兒別友于鴛原依急難援父失驚呼

尸薄才情異天高力命殊青雲顏附孔白雪楚
招巫南國求魂遍西河寫淚枯山川歸死骨丘
壑過殘駒忽忽愁人卧涓涓愛子扶秋期臨卷
近春水練裙紆有友招遊驟如愚亦步趨汗青
尊館閣垂白送江湖得遇人師喜相於老病甦
羨魚情莫有舐犢意難無旅食淹新笋需衣熨
舊襦寧親觀國暫齒胄過庭俱建業風雲地圖

循道德樞寸陰披日月都講及樵蘇後學多懷
槩前恩少報珠滹沱從至海汾曲許循途祗恐
丹青出爭看霖雨瀆周行留詠藻堯命欲師蒲
盡洗鴻都業高掀綠字圖蠹書微野老綿絕記
門徒獨笑幽山桂蒼茫問帝梧

壽南祭酒祥符張公太夫人劉十五韻

首夏清和迥遲春麗景紆何來僂姥宅移自承

明廬劉媪開祥遠張翁發慶餘遊梁歸令室隣
孟得高居每贊還金數長資佩玉虛明章將太
史陰德特充閭時雨生申岳垂雲出孟諸王風
資密勿卿月照扶疎勝業三槐後高標片玉如
南陔詩潔白東序禮勤渠慈竹長隨鳳清江卽
饌魚泮宮追魯燕國學近潘輿旦欲中靈婺輝
將滿望舒棘心吹正煖萱草綠方初戴勝高堂

上笙鏞奏樂胥

寄呂麟趾三十韻

有序

麟趾姚江相國孫予齊年好友也憶兩都之
酒未寒寸心之血猶熱君以宣城理入持銓
以去而予投荒君以江州判起都水理蘆政
而予投閒矣向後風雲路遠情眷轉深遽兒
之戚恩禮周渥雖宣父之視亡回未足比其

猶子也得耆兒南雍書感咽思念至不能止
涕夫報者無從而施者莫倦靜言思之何以
得此收涕成篇忽憶君所舊理宣城梅禹金
其鄉屠長卿孫世行樂之初金以風雅節俠
支離坎壇累夕見夢及之世路何期佳人難
得惟有加飡相勗耳

適越餘千里投燕自一時文從珠海滴盃向玉

山移相國絲綸舊承家鼎鼎資遠心春穀水高
詠法曹詩得共祠郎笑難教吏部辭銓流持在
藻鏡水拭無疵緬戀香爐色嵯陀幼婦詞蒲蘆
今政敏蕙苾昔賢疑向後山公啟推先水部宜
玉歸姜子釣龍護竹孫枝耆舊風雲路鮮新日
月池西陵期未果南國憶相離半百逢庚子遙
阡失壯兒道途傷淺蒂匍匐見深慈猿父腸難

續愚公鬢易絲桂銷三逕草萼爛一園葵淚隱
長殤盡心知老倒垂棊書開落莫門戶立淒其
曲畏宜伶促春傷建酒遲聖賢吾不免天地爾
何爲逸駕思吾呂園橋付阿耆金趨猶子愛得
御故人私堂構看如比雲天托更誰偶然尋夢
語殊欲奮肩隨耳熱孫郎笑灰寒樂子吹禹金
當映坐赤水近何之貧病人交惻英雄世欲欺

江濤兄弟遠秋色友朋衰忠厚因麟趾交遊問
羽儀江南容數子還欲賦佳期

奉贈觀察漳浦薛公三十韻

有序

公抱道而生扶搖起乎炎海執法而仕輔弼
光乎辰極孚尹旁達如坤之玉純粹以精如
乾之金起家南都武部以機務登朝出視西
京學政用人師重世屬者來憲我江之西湖

之東也俯仰盈虛念念遷而不有文武張弛
事事行其所無用靜則洗心密藏效動則黃
中通理蓋繇閩中學脉自延平氏師中立而
友仲晦卓有鄒魯之風薛本儒宗起河汾子
顯文清而隱中離龔祖萊朱之誥至公仕學
通參體用歸一建牙于旰有羅明德夫子吾
師也接豫章仲素之業而更衍真風益深仁

趣其人如在其風不亡公下車欣言嘆息修
其俎豆選其答述指示學人風動萌隸原公
德心直以文法附道質義還仁庶彼夏革無
施春和有象耳豈不恬淡委迤超然名迹之
外也使者方君上其治行曰真儒作用名世
經綸天子有動而將卿拜焉棠憇所庇蓬室
在茲接明燈而講聖心擁寒雪而分天命風

流詎遠嗣者其誰感誅成篇庶幾大雅之思
二云爾

仲虺寧微仲人龍復有人雲霄開瘴粵梁岳正
甌閩蚤發丹霞氣全輝碧海春風雲含韻古日
月動懷新樞府雄南國漳流漾北辰中和歌樂
漢文武憲生申執法霜飛楚衡文鏡入秦關門
酬令尹郢曲弔詞臣自有河汾業能無洙泗隣

興延水合學步蔡陽親在道忘今古于宗感
屈伸中離沉海嶠大理出河津已見金如錫都
知玉賤珉自公持等智諸子攝同倫時雨山川
應清風節鉞巡死灰驚吹鳳生草識翔麟物化
唐人儉身先漢吏循宦游長似拙造次必如仁
影畏中庸獨聲歡大雅馴真儒誰作用名世卽
經綸一一高前獻時時下隱淪豫章名不暇吁

水脉原真蠹簡西塘玉荒祠南澗蘋師門存印
證吾道覺精神日用前隈壘風流後縉紳寸中
深此佩迹外藐難陳大器金鑪靜層臺棟桷勻
薛宣終入相召伯再來旬愛日如從趙高天肯
借恂惟餘春蔽芾長此翳松筠

奉壽洪陽師二十八韻

有序

殷有衡盤以能壽國食天之報號爲平格以

爲均徹三極之理微妙深廣與神明通故壽
所謂同于道者道亦樂得之相與持世也吾
師洪陽張公以道術經制爲世儒宗而玄嘿
守中禪智無上三極之內平格靡餘而略叅
世機輒紆弘筭東征決策遼薊無恐威截海
外實奠肘腋至于元良國本聖衷久屬公
復正色而安之此萬世之功也竟以此危身

去國雖歸袞未期而几舄無恙以公淵回雲
施足以壽國而用之不能盡天意所留疑未
有期也某從成均遊事公至今二十五年公
且七十矣而精神意度凝粹無異吾觀貴人
所欲已極常無可繼而盡也我公勲爵著盛
而皆不極其欲欣欣于道其意固遠某未能
免俗從諸弟子後敢披寸草以佐長春

天源纔入癸歲德首惟寅花甲籌開七萸更瑞
浹旬松喬留夜語鸞鶴自西馴盡拱天人慶端
逢大老辰有姬初降呂惟嶽旣生申豁達文章
伯紆徐道德臣王人將紱冕君子試經綸玉燭
天文應珠鈐帝幄親決機清極表定策正重輪
遂有羣飛入誰將寸管陳調和輕將相師表在
八倫社稷容堪老肝腸及匪身路長心緬邈天

遠意逡巡久覺皇情舊初驚物論新側身歸羽
翮危節寄松筠太史橫經昔諸生遶座頻起家
將建禮酬國動依仁莫漫波迴涸終知燭映隣
山房寒折簡江閣醉含醇自領沙城識分沾水
月因地偏叢桂晚洲遠百花春問路名津假尋
源道術真香臺時作主丹室夜留賓好相金輪
淨陰符火候勻山龍餘氣色河馬見精神賈竄
虛前席顏趨迴後塵拚飛看赤鳥或躍倚鴻鈞
更借商顏叟方知辟穀人

贈袁明府奏計二十二韻

有序

黃蘄滄孺表公起衆生所敬之天誕兩祖流
傳之地現宰官而說法蔭國土以流慈理事
相融寂照無碍器界任其橫豎名相歸其卷
舒益他以攝伏凡心自以莊嚴勝事猶垂悲

憫曲引衰頑喻以相分不可不明性宗不可
不了以何因緣之故得聞竒特之言啟聖証
於昏沉感法儀之方便乃至小兒開遠都歸
大德含弘容快覩於天人許受參於童子豈
童真之有位卽長者之無邊昔在達老舟中
得共本如座下刊垂九帶如標指月之輪辨
示兩兒若誘聚沙之塔逮逢明府愈闢昏衢

在乎等以常然亦多生而幸直獻珞何日抽
珠此年因祖帳以朝天遡宗門而讚海是亦
觀其所感匪云盡之以言

地括衡廬軸天開軫翼躔嶺飛三角秀春溢四
流全氣腴原殊地精華竟屬天久無同和者時
有異人焉雨渴黃梅後僧醫破額前餘波通選
佛勝器等隨緣四世君侯復三公令長賢妙心

紆若錦直道撫如絃一切精神大三身性相圓
時時過玉茗色色見金蓮論學能無戲經行卽
有權香聞隨近遠甜至矢中邊慚愧愚生晚參
承達老禪本如曾九帶形似攝雙筌舊憶棠陰
遠新沾藥雨便因緣時復有感激分吾偏有子
才何得無人秀亦捐小兒那辨日衰薄洊逢年
飲水心知煖探珠象欲玄偈兼童子聽法爲宰

官傳祖道朝正入宗風結夏旋由來一大事莫
作境留連

答太傅于田李公河上四十三韻

有序

公家長垣起嵩縣令遷南吏部郎與魏懋忠
李道父三公予南奉常時晤言風雅之契後
公視學濟洛入爲列卿開府節制遂用功顯
北剪薊狄西禽播酋累進大司馬官傳加恩

錦衣之胄終制墨衰之餘常疑文武忠孝世
鮮通人如公文憲炳于中原武威跨乎殊俗
忘軀制法以明忠崇榮極哀以致孝四者殆
庶其兼之矣某濶契言笑久遠乃辱專車馳
問授以經畧鴻編并諸大雅非止律呂於師
中實乃金玉乎王度固非朽薄所克窺承三
復欣美不能已于報言爾

大國山河上長垣日月傍黃圖資翊彩赤縣乃
迎祥少室三珠樹中高一憩棠西遊仙令尹南
國尚書郎問政冰壺炯看題翰墨香圖書堯洛
渚絲竹魯宮墻沙苑全收駿銀臺半帖黃才難
應不數地大有非常遂以清卿月橫飛紫塞霜
旌旗從趙北枕席過遼陽破竹摧驕虜分金惜
陣亡首功今始有奏捷舊何嘗道逼三韓直威

加一戰揚晚山清木葉出日靜扶桑東北留飛
將西南乞贊皇夜郎忘漢大井鬼覺星芒頓挫
巴渝舞漂零越蜀裝安危懸幕府星火下瞿塘
詔許登壇拜軍歸授鉞將鳥窮焚樹入沙急唱
籌量死士千金得生兵八面當剪鯢築京觀吹
律定封疆帝御山龍紫公腰水玉蒼巖停開典
冊飲至畫旆常草創湏留後麻衣泣靡遑乞歸

終塊處起復事河防似縷堤殊立如雷浪不妨
絳冠經底柱沉玉到宣房蚤著河渠志旋奔日
夜喪不周天地缺能事聖賢匡岵岵皆殊役瞻
依每巨創墨線忠孝節圭錫典謨光自我秣陵
夕陪公蘭署芳遠心生宇宙雅意屬縑緗獨許
淵雲妙曾窺管葛長有星多人蜀無命只投湘
去夢懷西美留菟思北方晉師開大魏儀部鎮

維揚總是三河俊難教一水杭始衰慳飲啄長
病倒衣裳未照幽人喜餘波道術忘十年驚契
闊一字涕淋浪爲問張華劍還能出豫章

答淮撫李公五十韻

有序

公家本關中身体輦下與大名魏公允貞長
垣李公化龍皆予奉常時未夕之好公以戶
部郎疏救魏公失貴人意降司東昌理遷南

儀曹郎出憲于齊視學于晉起復以南列卿
開府維揚總漕河上智殘貂虎猛禽伏戎五
方估客恃其川陸之安一時使者奉爲社稷
之役可謂如其人如其人矣某奉戍戍計歸
別公秣陵城外于今七稔馳使來迎雅意殊
厚獨愧身與公等比肩事主老而爲客亦非
予所能也感而謝言紆其悵倘云爾

地大山河積天高日月搏一時同大魏雙李出
長安舊國回西笑新知正北看學成金碧簡氣
拂紫駟鞍上士垂遷擢中樞肯犯干題書當霹
靂睨柱欲邯鄲岱嶽扶雲出鍾山隱霧蟠自東
旋出鎮于洛竟登壇視學河汾邈歸思墓隴攢
月華卿再滿風木淚初乾壯節分麾易危途仗
鉞難甲兵銷日本羽檄動辰韓詔豈求金切租

富輓粟殘河渠千丈決門戶一錢攤蔽筍魚猶
索中貂虎益冠海沙吹祗密天日望何漫氣短
江湖急心傷井逕寒維揚禁攬擾過宋轉漫汗
似戰玄黃血將探赤白丸咽喉平轄內鼻息仰
臺端扣閣傳聲苦提封飲淚酸鯨鯢趨夜水鳥
雀避秋翰國論才逾亟途歌政及寬欲歸心項
領向住青盤桓字挾風霜立勲兼竹素刊自公

餘退食懷舊勗加飡問騎從人詫開書對客闌
谷中過履迹淮上到情瀾尚記登臨好忘言日
夜懽園陵新祭酒花月舊長干附尾晞騏驥趨
班失鳳鸞梅仙初解尉陶令一之官月下三生
石星高七里灘死心歸牧笛生意在漁竿老至
燕餘玉愁來澧罷蘭禁烟思渺渺聯佩憶珊珊
世局隨高手天機許下觀酒資三徑暖文刻寸

心丹事定詢顏髮交初識肺肝大才須綦戟公
子必琅玕獨坐知懸榻衡門晤考槃夢回琴石
枕興發野蔬盤三子牽裾豸雙親舞袖團始尋
方士藥時應講僧檀棄置終何得交遊或未嘆
賦心傷磊砢韻脚儼嬰跚世逐多情重身偏寡
和單營家差晏起行路卽朝湍弄雨神龍慣棲
烟野鶴拚古來千里曲何日爲君彈

敬和任太府處州奏最紀瑞作

昔賢最十稔今秩表王河陳蕃惟雅正劉寵不
煩苛中和時講職徭俗舊毀戈四年來不淺方
暮留未多惠心調物理嘉氣接天和鹿隨行部
草虎去度江波尋常登秀麥咫尺薦嘉禾復契
援神瑞初驚謠頌訛南明芝疊采東序菖連柯
本之呈郡德兼以發賢科詎司日照葉寧似夜

舒荷豫章宜表出零陵獻欲過欣吾逢盛美虛
薄寄塗歌

九日宴別奉贈任太府開憲潮陽

爲謁蒼梧影曾飄赤海涯風雲團巨蜃氣脉隱
長蛇憲節平分履軍麾夾建牙騷除常不免靜
理亦無譁正爾君侯往翻其士女遮二年停括
嶺一郡遶蓮花慢擊三千水遲沾十萬家臺車

真黽勉轅卧足咨嗟秣馬留之子沾衣向若耶
靈芝紆竦秀連理鬱交加自戲鸞刀小能依孚
繡華佳期遙鴈月鄉國近龍沙刺史觴彭澤桓
公得孟嘉皖知歸慮淺潮候去程賒信宿東人
袞侵星南斗槎令條紛結雨詩草映韜霞向比
瞻晨鳥圖南念井蛙會須捐墨綬那更乞丹砂
獨有題梅路相思寄折麻

玉版居述懷贈黃貞父進賢三十韻

未厭湘沅謫長聞江夏名似懷沙欲老如對月
初生湖水家千頃香臺坐九成小春燠席煖餘
雪汎舟明麟鳳諸生立江山一座傾芝蘭遊金
賞金石扣隨鳴得奉人師禮兼通物際情玄言
關令尹儒術漢春卿礪石雲移潤鍾陵夕借聲
道疑冰雪宵政愜米鹽清馴雉童心美分蕉鹿

訟平办餘知宵繁毫末見精誠玉版風中翠虹
梁雨外情郎官依北斗循吏冠西京有客趨懸
榻何人問濯纓子衿朝日往官燭夜分迎淺笑
臨風揖微醺映日行琴應聽子賤酒合對公榮
獨下漢宮履維清洛浦笙鶴翻風骨遠鳧漾羽
毛輕山阮忘言契淵雲動筆精幾從窺鐵柱一
擬卧沙城左顧期難定高遷夢易驚自天開黻

光之子必銓衡日月灘無涸風雲路有程雅多
公視草籍甚衆班荆咫尺朝簪合毫釐世法爭
自憐傷小錦誰惜注翹旌舉燭隣光剩彈冠弱
思縈亦知幽谷裏還得後聞鶯

答威茂觀察東昌杜孝卿三十一韻

孝卿以行

人給事南省憲秦視學于晉從滇入蜀予篤友也因王叅知松潘寄答焉

杜曲佳期傍琴臺遠意憑地卑高士喜才絕衆

人憎身世隨寒，耐行藏畏熱。懲九州趨黽，敏一榻坐驕矜。祠廟高天問，郎官列宿應。薄遊貧自許，多病俗猶仍。歲月珠彈鵲，乾坤玉點蠅。閒情深洞壑，朝夢滅觚稜。興盡炎荒得，心傷小縣曾。春風依雉廩，秋水卧魚罾。出豈營三徑，歸將買一塋。雨寬春穗沒，星急夏糧升。忽忽雲霄落，皇皇皇枕簟。興尺箋飛錦，水清色見壺。冰耳熱歡何

心灰泣未能，行人周禮貴。給事漢官澄，綬合蕭朱結。金分管鮑，稱每過談似綺。時憶酒如澗，雨閣催金盞。風窸遶翠燈，笑連江月爽。別恨海雲蒸，豸使秦師拱。龍門絳士登，十年驚會面。一語氣填膺，南國精神濶。西方美思凝，動人鷗鳥片。歸客暮帆層，問政懸巴子。題書到蜀僧，牙旗掀岫玉。井絡度橋繩，江東喧金馬。嵐開濕皂鷹。

使湏高節鉞羗莫小憑陵入洛思
眠錦如邛欲杖藤峽雲看不免
嶺雪興如乘獨羨松參少西
南正得朋

輓司徒新城王公十四韻

蜀制府公
尊人也

灤海齊風大瑯琊晉祚榮王公
天下寶公子國之禎策奏燕臺
重書開楚服清掖開持大體卿
署起鴻名太僕鳴騶入中丞仗
鉞行尹京懷舊

德農扈振新聲國論推儒雅軍
儲屬老成文謨通帝座武緯緝
天營袞服歸何急金甌覆已明
麒麟看畫像烏鳥聽陳情七秩
蒲輪待三公赤芾迎僊遊旋岱
岳遺事足滄瀛世嘆青箱遠天
悲玉柱傾東歸吾有輓綸紵正
西平

送姜仲文使君以上

萬壽行歸里并致

常潤諸君子三十韻

有序

予故宗伯丹陽鳳阿公官屬也最受知于公
子仲文仲文以司農郎抗疏忤時相十年家
食起參江右政一見憐予瘦生常欲取道衡
泌大有援絕之語心實感之別際愈爲悵然
而里中顧叔時史際明于中父知忍前後
蹙然足音無絕並予所不能忘楮衣也

拓落吾何有棲遲道亦輕不應傷去住長自惜

生成分薄知常淺年過感易盈意隨枯樹盡交
慳紫芝榮神物分彌戀朋簪合驟驚尚書千里
驥抗疏萬人英西候關門入東歸谷口耕世珍
儒術體公起國家情天地謙恒吉林園賁復貞
下車求孺子邀路覺泉明瘦訝加餐少愁知失
路并門衰差有子家慶幸爲兄和寡垂三嘆噓
枯許一營丹陽懷窈窕泗上憶崢嶸飯飶衙齋

語鍾疲寺榻迎暮霞開水閣秋雨會沙城岳族
風流厚江鄉月旦清爲期歆綬冕取路顧柴荆
倏聽呼嵩起奄觀入洛行試飛疑或躍連彙悚
于征思贈愁平子書題病長卿光塵行處擁幽
緒觸時縈未濟憐秋水同人問好聲酒酤京口
熟鶴弄海天晴久與吾流籍將高汝穎名鏡波
毫髮偃盤淚寸心傾消息隨陽雁行藏出谷鶯

短歌通契濶長夢滯精誠玉女雙投佩茅君一
占瓊終知及遲暮常欲向昇平

春王十日奉壽洪陽師相

出震誰司斗連天得姓張薇垣當上相精氣屬
南昌時雨山川出陽雲日月光好生初發歲盛
德蚤迎祥二候占年美三公佩玉蒼風雲迴泰
際冰雪似汾陽計相寧湏乳留侯未却糧金提

仍撫運繡轂且含章太傅麒麟閣真仙鸞鶴圖
千秋來進酒長壽若東王

與鄒愚公期秣陵晤馮元成李本寧未果
吳楚一時盡風雲千里新敬通初罷第李叟未
歸秦東下意何杳南枝心自親同爲不死客獨
是可憐人寄言吹律者江上想餘春

與劉浙君東

凶近無千里交親有十年花林恒共蹴草榻金
曾眠世路銜盃裏韶春把鏡前關河連紫氣雲
霧滿青天座有寧馨語牀空阿堵錢丹陽汝孤
往白下我悠然南士爭攀柳西娃正採蓮遊人
如漢渚公子似秦川媚影皆馳賞攢心別可憐
松毛閒玉塵竹筍代金蟬地氣經南薄天心正
北懸鶯花三月晚貧病一生全上藥終難就勞

薪半已燃塵情多擺落芳意久連縣八水將圖
佛三山欲候仙題書寫微尚會獎卽宜筌

送南太宰趙公致政歸餘姚

鳳德咸尊岳鴻軒忽麗天舜田元自美趙璧本
來圓蚤遲登槐日曾瞻聽棘年陪畿優德鎮六
尚仰平筌太宰真留後維師定掩前清朝成愷
悌薄俗避華妍疏謝寧標節敦留是惜賢鶯花

攢別帳鳧藻媚歸川華首終彌耀丹心詎改懸
寄言瑣池客都此看神仙

七言排律

玉茗堂全集

詩

十一卷

德成尊岳鴻軒忽麗天舜田元自美越聲木
來圓奎遲登槐日會瞻聽林年陪織優德鎮
言誕武容濟出音聊山
贊民神身燕散歸川華首絲籠對世以時如緜

玉茗堂 集

臨川義仍湯顯祖著

詩

七言排律

奉贈趙宗伯二十韻

天水璇源鬱上宗王孫真氣接吳淞干霄蚤映
長虹色隱海全窺大壑淙池上白龍浮冉冉河

詩

陽金鳳出嗶嗶名傳漢殿收竒藻氣坼星台發
副封睨柱衆驚歸趙客涉江兼得唱吳儂徵書
北闕紆蓬苑祭酒西都領辟雍通籍舊叨延杖
履奉常新入聽歌鍾得臨南部山川美幸典春
祠歲月從列宿乍沉方朔隱平津偏怯故人逢
纖纖玉井含秋氣忽忽甘泉奏夕烽丞相憂邊
能宛轉君王馳傳欲春容仍懸禮樂推尊俎幸

好精神借折衝積霰峩峩山嶺桂餘風謾謾澗
中松年華極目催三秀春草歸心畧五茸未擬
經筵臨白虎先看畫室正銅龍光輝自合重明
麗恩澤長分湛露濃雷翥千年逢少海雲攢四
岳辨中峰股肱漢室丹青事羽翼商山雲壑蹤
相國門前瞻玉樹懷人江上寄芙蓉獨憐郎位
鍾陵下霄漢遙遙望九重

答李郴州乞雨蘇仙有應因憶與高太僕
謝友可吳拾之夜遊時謫徐聞不得過
柳爲恨耳

秋水洞庭波渺渺春年林墅柳毵毵謝生豈可
今無一與子爲歡月有三怪裏新粧能達曙興
中餘酒必留酣君憎太僕楸文局我愛吳卿碧
玉簪幾度笑歌迴夜渚何年別淚隱晴嵐之宮

楚曲遙連桂問俗衡州喜種藍似有青牛隨李
叟久無白鶴到蘇耽不知雲漢歌能苦爲許山
川雨作甘罷舞香雲連下鶴初飛靈雨應隨驂
歌風文學諸生滿爲政神明自爾堪歲在春曹
誰不美古稱仙尉我猶慙今歸幾問湘源北昔
去初過瘴嶺南桂水所思能晤語韶陽歸興失
窮探三春倏別何情切千里傳書得面談更欲

蒼梧一來往不堪憔悴向江潭

嶺外初歸讀王恒叔點蒼山寄示五岳遊

欣然成韻

封章瑣闥移晨病世事陪都接夜談芳草遠山
萋以碧暮雲江水翠於藍風光掩映難留卧官
興蕭疎許放叅燕趙金河餘氣色瀟湘桂水出
晴嵐文殊月到仙臺午珠樹花偷少室三石鏡

峩嶷過蜀客衡陽鴈影入蘇耽青妃出日峰前
笑玉女明星掌上探委羽鴈湫三竺下點蒼鷄
足五雲南雲霞踐陟君能勇碑版窮搜子亦貪
自我園陵新耐飲爲郎漢署宿香含傷心有客
梅難寄生意何人樹不堪瘴嶺夜珠迴合浦臨
川小築寄香楠時時采藥仙華苑稍稍拈花佛
影龕也學素封千樹橘還留中婦一眠蠶閒遊

幾地思公子婚娶何年到小男舊有浮丘雲作
蓋能無子晉鶴爲驂霞城欲賦誰懽賞蕙帳重
過省愧慚蠻部碧鷄光縹緲昆池神馬暗趨趨
諸公且看青鏤筆未老那抽綠玉簪獨怪登高
易憔悴不應漁父芟湘潭

次答鄧遠遊漢兼懷李本寧觀察六十韻

有序

予自辛丑蹲伏家食得交秀水令鄧君遠遊
尊酒疎燈久濶談讌而良書美韻颯颯其來
情無泛源藻有餘縛至於商發流品歸于才
情雅爲要論昔人巳云楚夏殊風俱動於蒐
蘭蒞異臭盆感於鳧固無容夸長以譎短受
素而却丹要於沒世可選而已予於此技非
有師承偶從少作倏今齒至殆欲忘情筆墨

之間而復引爲在茲歸於作者一言爲智或不其然至如遠遊乃以殊致之韻方將之力浸淫義根憑凌物象夷育案羨鬱而文生成言成書有足度越萬此者乃若君家文潔侍郎表清言于澹臺之後由史待詔發蠹書于明德之傍方于時賢當亦互爲巧拙耳茲當服闋上都別語辛丑大計吏過堂時觀察李

公爲予琅琅爭此長物予在平昌五年戊計西歸曾無一日到縣而更撫入丑計此乃時人局置已定得竟陵一知爲足耳材如竟陵正自不免楚國先賢足有明論邑犬羣吠吠所怪也誹俊疑桀固常態也然本寧謂予久已高尚人云便遂此君之高益是知已無妨嘯歌往詩牽率而成相遲登高爲作九辨耳

西江牛女發精竒，盱汝從天結秀姿。
上路風雲龍虎氣，中洲毛羽鳳凰兒。
鳥孤峯外搏霄翥，燕燕子潭邊寫翠宜。
定有佳人吟暮合，肯無憔悴泣江籬。
嚶嚶幽谷誰清迥，嚶嚶長沙自濕卑。
忽夜委金燕市駿，杪春邀玉鄧林枝。
看驚婉戀迎門急，語到騷牢上酒遲。
萬里拂衣行色滿，一時彈泪燭花歆娟娟。
月色當瓊珮，濯濯風流灑柳絲。

字富蓬山初過闕，春歸秀水一臨池。
冰開姑射仙人潔，花發河陽令尹慈。
小錦動傷吾汝愧，善刀飛割汝吾師。
官家未厭朱雲直，吏部那爭楚客私。
豐獄地深埋劍語，漢臯天遠弄珠疑。
空攀蕙怨蘭，何得故代桃僵李。
不辭辨馬祗勞三，反復鼓琴終是一成虧。
心銷百歲難同盡，業在千秋且自嗤。
烟月夢迴湘漢路，山川閑憶秣陵祠。

尋常客去看餘幾五十年將托契誰近事草堂
麋鹿隱遠心江國鴈鴻知俄傳清淺麻姑信爲
寫團圓班婕詩海月在篇收磊砢淵雲爲墨散
淋漓精思氣脉追梁苑大較心神動楚詞形似
絕湏情理湊波瀾懸逐世風移都非一骨由人
賞半是多才坐俗疵金構凌雲爭尺寸兼聽廣
樂辨毫釐參天物色虛酬想擲地人驚實見推

扣鍛夜吟聲病苦摧殘朝嗽物華滋官方拓落
堪如許精氣銷亡或在茲解事小兒愁校壽悲
翁少婦惜吾咿終知不中囊錢用始願猶賢博
奕爲懷舊比肩成異物交新引臂得同時徵君
潛谷收函史文潔章江失羽儀叢桂晚香山岬
鬱蒨葭秋色水漣漪家聲漢代元侯宅名字峯
陰紫閣陂過國君王留授簡承家兄弟愜吹箎

素琴入御絃歌起白首論交紵縞思日照西堂
吟蟋蟀風清南國吹參差莊生樂畔鯨魚出平
子愁中錦繡遺賦罷停雲三徑晚一尊黃菊正
東籬

瓊花觀二十韻

千歲瓊花花樹竒瓊窻月影香風吹廣陵恨結
煙霞種后土情生冰雪麤淡縞粧成不死樹光

珠疑在獨搖枝清疎欲下桐花鳳宛轉那棲柳
葉離遂有飛璫來戲集猶遲弄玉與追隨蓬萊
望後今何夕玉李餐來得幾時乍似靈儔喧洛
浦還如寶婺出天池俱燒鵲尾青沉發金曳龍
綃紫帔垂天上只聞香素遠人間空記露華滋
飈纓遶處初傳曲雪袖攀來欲寄誰不夜清都
兩凌滴長明輝影一參差真妃愛逐琳霄賞道

士疑從碧海窺拜乞會應憐玉斧攀依少得駐
瑤輜似聞人氣翻鸞舉偏度春陰許鶴知別袂
曉催留翠灑洞簫人語隔紅姿驚看桂葉銀嬋
落笑問桃花金母期但道蕪城爭艷逸安知隋
苑卽披離時移畫色零金粉地老青苔沒絳墀
生小好仙恒欲訪風塵懷舊益相悲樓臺尚覺
江都好絲管能禁海月遲四海一株今玉茗歸

休長此憶瓊姬

用韻和方玉成二十韻

天柱山迴煙月餘長年發興自匡廬爐香合杳
青華蓋濕練分明玉佩裾拂匣斗牛趨劍浦射
蛟風雨出龍舒溢城雪照秋雲白鍾寺紅殷海
日虛托道茫茫初向若經知渺渺欲愁予歸休
事業留華闕籍甚文章付石渠千里明妃琴際

語十年幽客鏡中噓松篁韻合傳堪賞蘭菊蕪
滋長欲除倏歛臨川悲逝者參差吾黨到歸與
猶龍氣色周藏史衰鳳吟聲楚接輿但着佳時
長度曲將因妙處一傳書端居歲月鷗羣隱高
閣園林蝶夢遽忽忽雲霞生研席蕭蕭燈火候
柴墟粗拚卷帙論心後盡倒衣裳識面初露重
草根深蟋蟀風輕木末半芙蓉新通曲徑延三
益舊滿高堂學二疎興劇漉巾差有酒驩非彈
鋏敢無魚諸兄蚤借烏臺筆一第遲飛玉殿臚
江外遊閒公子路山中清遠道人居能來更作
楚然喜况復他時使者車

玉茗堂全集

登然喜以斯外却對青車

端居歲月

五松茂圃公于湖山中青藜童人

幾妍燕魚滿尺登昔品臺華一葉

益書讀高堂學二刺興國張中

